

CONVENIO DE COLABORACIÓN ENTRE A AXENCIA DE TURISMO DE GALICIA E O CONCELLO DE MOS PARA A FASE II DO PROXECTO DE REMODELACIÓN DA CONTORNA DA IGREXA DE SAN MIGUEL DE PEREIRAS

O xerente de Turismo de Galicia

DECLARA:

Que esta Axencia Turismo de Galicia formalizou co concello de Mos o instrumento convencional arriba referido por un período de vixencia que abrangue dende o día seguinte á súa sinatura ata o 31 de decembro de 2025.

Que o instrumento convencional ten por obxecto establecer as bases de colaboración entre a Axencia de Turismo de Galicia e o Concello de Mos para a fase II do proxecto de remodelación da contorna da Igrexa de San Miguel de Pereiras.

Que existe converxencia de intereses entre as entidades asinantes en orde á consecución obxecto referido.

Que o instrumento convencional que se pretende asinar se **fundamenta** no seguinte:

Primeiro.- A Axencia Turismo de Galicia, segundo o Decreto 196/2012, do 27 de setembro, polo que se crea a Axencia de Turismo de Galicia e se aproban os seus estatutos, ten como obxectivo, impulsar, coordinar e xestionar a política autonómica en materia de turismo e, en especial, a promoción e a ordenación do turismo dentro da comunidade.

Para lograr esta finalidade a Axencia Turismo de Galicia acomete, no ámbito das súas competencias, un decidido apoio á promoción e fomento do sector turístico de Galicia a través daquelas accións que lle permiten acadar os seus obxectivos.

Segundo.- As entidades locais teñen atribuídas, a teor dos artigos 80 da Lei 5/1997, do 22 de xullo, de Administración local de Galicia e 25.2 h) da Lei 7/1985, do 2 de abril, reguladora das bases do réxime local, posto en relación coa Lei 7/2011, do 27 de outubro,



do turismo de Galicia, competencias en materia de información e promoción da actividade turística de interese e ámbito local.

Terceiro.- A celebración do Ano Santo Xacobeo 2027 constituirá para a Comunidade Autónoma de Galicia unha nova oportunidade de potenciación de Galicia, así como de promoción e de reforzo da dimensión internacional do Camiño de Santiago e da propia comunidade.

O concello de Mos pretende acometer o acondicionamento e humanización da contorna da Igrexa de San Miguel de Pereiras. A totalidade do ámbito do proxecto encóntrase incluído na contorna de protección de elementos do catálogo de Patrimonio Cultural no que se inclúen elementos como a igrexa parroquial de San Miguel de Pereiras e o castro das Pereiras.

A Igrexa foi construída no ano 1788 segundo epígrafe que consta nun lateral do edificio que aparece delimitada por un pequeno valo que define o ámbito do adro parroquial. É un edificio de reducidas proporcións, totalmente executado en sillería granítica, que reponde ao modelo de planta basilical, con ábsida cuadrangular.

Xerarase un espazo de convivencia veciñal con varios xardíns para que os visitantes e habitantes do municipio poidan desfrutar priorizando o uso peonil sobre o rodado.

Os traballos a levar a cabo consisten na pavimentación do ámbito, replanteo de instalacións urbanas, así como a substitución da rede de alumeadado público, a adecuación da rede de pluviais, o soterramento da rede eléctrica e rede telefónica, axardinamento e arbolado, así como a dotación de mobiliario urbano.

No proxecto de remodelación da contorna da igrexa de San Miguel de Pereiras en Mos non está previsto intervir nos elementos protexidos. A intervención consiste en transformar a contorna próxima ao atrio da igrexa de San Miguel de Pereiras, xerando espazos públicos de calidade e poñendo en valor o elemento protexido.

No devandito proxecto propónse unha plataforma única, sen limitar entre a zona de peóns e a zona de paso de vehículos, permitindo que os viandantes poidan apropiarse da zona de tránsito motorizado. Para o cal planifican unha redución da velocidade permitida de circulación e caracterizacións de diferentes pavimentos.



A superficie de pavimento entre a entrada ao adro da igrexa, o cruceiro e a fonte de granito, matízase mediante a colocación de pezas irregulares de granito pardo cun sistema de iluminación.

Na zona intermedia do ámbito, a parcela ao Este situada a unha cota inferior do Torreiro, propónse unha superficie de formigón e granito con uso previsto de aparcamento na que se celebrará a festa parroquial. Debido á pronunciada pendente existente na rasante da parcela, prevese realizar un desmonte ao pe do novo muro de contención do Torreiro co fin de xerar unha plataforma con pendente suave.

Na terceira e última zona do ámbito, consistente nun vial público camiño de Pazos, propónse unha plataforma única con pavimento uniforme a base de formigón fratasado e plantación de céspede, limitando a circulación de vehículos.

A diferenza de cota entre plataformas resólvese mediante muro de contención de formigón e dous parterres con pendente transversal.

No extremo Este do muro de contención proxéctase un graderío de formigón con iluminación a base de tiras led ocultas.

Proxéctanse pavimentos de formigón, mixto de formigón-granito e xabre compactado.

No aparcamento do campo da festa proxéctase unha superficie de formigón e granito.

Prevese a xeración dunha rede de pluviais, coas arquetas e sumidoiros necesarios. Igualmente cunha nova rede de saneamento e acometida de auga.

Proxéctase, asemade, unha nova rede de alumeadado e axardinamento de todo o ámbito, así como renovación de todo o mobiliario urbano con bancos, papeleiras e contedores.

Cuarto.- A Estratexia de Turismo de Galicia 2030 ten como misión impulsar un turismo auténtico e sostible. Esta articúlase a través de misións, sendo unha delas a mobilidade, conectividade turística e reequilibrio territorial. Cómpre mellorar os investimentos no turismo rural, en especial para xerar sendeiros, percorridos e rutas tematizadas que discorran por estes territorios, pero tamén para manter o rico patrimonio histórico ou, con carácter xeral, xerar infraestruturas que melloren a experiencia turística. Prestarase especial atención a crear oferta complementaria, cultural e de ocio, que faga aínda máis



atractivos estas zonas e sirvan como detonante da viaxe.

A posta en valor das actividades que se desenvolven no medio rural e no litoral e a rehabilitación dos barrios históricos e da arquitectura tradicional completan esta medida.

Concorren, así, razóns de interese público que xustifican o outorgamento dunha subvención aos efectos do establecido nos artigos 19.4.c) e 26.2 a) da Lei 9/2007, do 13 de xuño, de subvencións de Galicia, e 36.c) e 40.1a) do Regulamento da dita lei, aprobado polo Decreto 11/2009, do 8 de xaneiro, sen que proceda promover a concorrència pública ao ser o concello beneficiario á única entidade que pode desenvolver á actuación subvencionada.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados Lei 9/2017, do 8 de novembro, de contratos do sector público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, do 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago de Compostela

O xerente de Turismo de Galicia

Antonio Casas Calviño

